

# Aruba pronto lo haya su propio Internet Archive server

*Cu ta contene nos herencia cultural den forma digital*

Hunto cu e organisacion Americano Internet Archive, e partnernan cu ta forma parti di Coleccion Aruba a bin ta digitalisa y haci accesibel via internet mas di 150 mil diferente buki, revista, corant, potret, video, etc. cu ta contene informacion di Aruba y Papiamento.

Di e manera aki na Aruba ta haci e trabaonan pionero den nos region pa conserva nos herencia cultural y haci esaki accesibel online via [www.coleccion.aw](http://www.coleccion.aw). Pa e trabao importante aki, Aruba a keda premia recientemente cu e Internet Archive Hero Award.

E informacion cu ta ser digitalisa na Aruba pa e partner-



nan di Coleccion Aruba, ta wordo haci accesibel riba internet via e servernan di Internet Archive na Merca cu ta haci esaki gratuitamente posibel. Pa Internet Archive

ta importante pa material historico cu ta forma parti di e memoria di un Pais ta accesible, no solamente pa e habitantenan di e Pais, sino tambe pa mundo henter. Cu

e intencion aki, nan ta sostene Aruba pa Coleccion Aruba por ta accesibel riba un server special cu nan a yama Internet Archive Aruba.

Pronto lo trece e server aki Aruba pa asina por warda material digital di nos herencia cultural na Aruba mes, y na mes momento tin un backup na diferente datacenter di Internet Archive rond di mundo.

E intencion ta pa e server na Aruba un dia fungi tambe como server pa otro paisnan den nos region por tin un backup di nan material historico den e server di Internet Archive di Aruba. Den e tempo nos dilanti nos lo tende mas si por concretisa e

idea aki.

Ta bay instala e server di Internet Archive Aruba na Biblioteca Nacional di Aruba na unda e lo ta visibel pa publico por mira unda ta conserva nos herencia cultural y haci accesibel pa henter mundo.



## Bureau Ondersteuning Sociaal Economische Raad en Additionele Adviesraden a keda estableci

Riba 15 di october Gobierno di Aruba a aproba pa establece Bureau Ondersteuning Sociaal Economische Raad en Additionele Adviesraden. E Bureau Ondersteuning Sociaal Economische Raad en Additionele Adviesraden lo reemplaza e secretariado di Sociaal-Economische Raad (SER) y amplia e tareanan riba diferente area di maneho social economico.

SER ta un organo consultativo independiente estableci pa ley, cu ta duna conseho so-



licita of no solicita (gevraagd of ongevraagd advies) na Gobierno di Aruba riba temanan di mayor importancia riba tereno socio-económico. Pa

medio di consulta mutuo, intercambio di opinion y argumentacion, e organo consultativo ta tuma decisionnan referente e contexto, conteni-

do y forma di consehonan, rapportnan di investigacion y notanan cu ta wordo presenta na gobierno riba maneho socio-económico.

Riba 15 di october y riba peticion di Minister Geoffrey Wever y Minister Ursell Arends, Consejo di Minister a aproba pa establece Bureau Ondersteuning Sociaal Economische Raad en Additionele Adviesraden. Riba tereno di maneho pa nos adultonan mayor, e Bureau Ondersteuning Sociaal Economische Raad en Additionele Adviesraden lo fungi

como secretariado pa y duna e apoyo profesional, administrativo y operacional na entre otro e “Raad voor Ouderen”.

Minister Geoffrey Wever y Minister Ursell Arends ta desea e Bureau Ondersteuning Sociaal Economische Raad en Additionele Adviesraden exito cu a tareanan nobo. SER su consehonan, rapportnan di investigacion y notanan ta instrumentonan esencial y cu balor agrega pa e proceso completo di maneho y asina tambe riba desaroyo di Aruba.

### Proyecto RWA Irenestraat/ Caya Ernesto Harms

## DOW: Camindanan di caya Ernesto Harms y Irenestraat cera pa trafico te dia 8 di november

Departamento di Obra Publico ta desea di informa cu for di ayera dia 30 di october 2024 ta sigui cu e siguiente fase di e proyecto di drenaje di awa na Irenestraat.

Pa e trabaonan por continua, a e caminda di Caya Ernesto Harms, pa por conecta e tubonan di drenaje di awa na Lagoen.

Ta desvia e trafico di Irenestraat /Maria Christinastraat/ via Mendelsohnstraat/ Sibeliustra, sali riba Adriaan Lacle

Baolevard, bay rotonde y drenta Wilhelminastraat. E trabaonan relaciona cu e dreñahe di awa na Caya Ernesto Harms/ Irenestraat lo tin den total un duracion di 7 dia di trabao. Ta bay habri back camindanan di caya Ernesto Harms y Irenestraat pa trafico dia 8 di november 2024, parti atardi.

DOW ta pidi comprension y cooperacion pa e trabaonan cu mester tuma lugar y ta pidi disculpa pa cualkier inconveniencia cu por surgi.

